

Les propeos...

L'NOUVELLE SAISEON DES FILLES

par
l'Infant d'Tournai

El billet du Cabaret dins

Nord Eclite

Retrouvez-nous sur www.cabaretwallon.be

Bonjour, savez, mes gins.

J'suppose que si vous m'lisez, ch'est qu'vous aimez bin no patois et l'Cabaret Walleon ! Mais in ç'début d'février, ch'est aussi l'lanch'mint de l'nouvelle saiseon des Filles, celles Picartes ! Et saim'di au soir à l'Halle aux Draps, l'salle elle éteot rimplie pou leu prumier spectacle. Et ceulle prumière, elle a été réussie ! I feaut dire que les cancheonnières elles n'orcul'tent d'vant rien et qu'elles mettent tous l's atouts d'leu côté pour que cha marche. Des bieux textes, et l'musique à l'av'nant . Sans queompter l'chorégraphie ! Mais n'queomptez pos sur mi pou vous deonner l'sujet d'leus cancheonnes pasque cha, j'vous réserve l'surprise pour quand ç'que vous irez les acouter. Tout ç'que j'peux vous dire, ch'est que comme les éautes ainnées, i nous feont rire et braire et t'passes ainsin d'l'humour à l'émoiteon, de l'tindresse au caustique.

Ha cha, i d'eont passé d's heures à écrire et à répéter pour in arriver à n'ein résultat parel. Mais cha ch'est les feimmes, éné ? L'goût du bin fait, des détals soignés, cha fait partie des qualités des nos chères companes, tertous i l'sait. Et si in puque du talent, vous rajoutez l'charme de nos cancheonnières patoisantes, vous comperdez fin bin qu'je n'sus pos prêt d'oblier l'soirée qu'j'ai là passée ! Aussi, si j'peux vous donner ein p'tit conseil, si vous n'avez pos acor vos plaches, ch'est de n'pus trop attinte pour aller les quère pasque pou les séances à v'nir, i n'd'a pus bramint. Alors, in'a pus eine sequeonte à perte : allez vir tout quoi su l'site : www.fillescellespicardes.be et vous arez tous les rinsein'mints.

Allez, à l'feos qui vient, mes gins.